



**KENYATAAN MEDIA**

**LGB GREEN RACE BERJAYA KUMPUL 2.5 TAN BARANGAN KITAR SEMULA**

**PORT DICKSON, 18 OKTOBER 2023** – Sejumlah 2.5 tan barangan kitar semula telah berjaya dikumpulkan oleh hampir 500 orang kakitangan LGB Group, SWM Environment, Grand Saga Bersepadu dan Sungai Harmoni bersempena dengan Program *LGB Green Race* yang berlangsung dengan penuh kemeriahan di Pantai Saujana, Port Dickson hari ini. Setiap kakitangan yang menyertai program ini perlu membawa sekurang-kurangnya 1kg barangan kitar semula dan diwajibkan mendaftar sebagai ahli KITARecycle SWM Environment iaitu sebuah aplikasi mudah alih yang memberikan mata ganjaran yang boleh ditebus kepada wang tunai bagi aktiviti kitar semula yang dilaksanakan oleh ahlinya.

Ketua Pegawai Eksekutif SWM Environment, Encik Ho De Leong menyifatkan program tersebut bukan sekadar suatu temasya dalaman yang biasa, namun acara ini telah berjaya menghimpunkan seluruh kakitangan dari sektor perniagaan yang berbeza untuk memberi motivasi dan menaikkan semangat antara satu sama lain, memupuk suasana setiakawan, kerjasama dan menjalankan aktiviti kitar semula di bawah program KITARecycle, sekali gus menyokong matlamat Kerajaan untuk mencapai kadar kitar semula kebangsaan sebanyak 40% menjelang tahun 2025. Selain itu, program ini juga berjaya meningkatkan kesedaran pelbagai pihak untuk sentiasa memelihara kebersihan pantai dan alam sekitar.

Katanya, pada hari istimewa tersebut, slogan "*Run For A Sustainable Future*" telah dipilih sebagai satu pendekatan untuk mendidik semua kakitangan bagi mengekalkan amalan pengurusan sisa pepejal yang mampan dengan mengasingkan sisa pepejal di punca untuk dikitar semula. Ujarnya slogan yang dipilih ini juga berkait rapat dengan usaha berterusan yang dilaksanakan oleh SWM Environment sebagai syarikat konsesi bagi perkhidmatan pengurusan sisa pepejal dan pembersihan awam yang sentiasa bersama-sama dengan Kerajaan dalam mendidik dan meningkatkan kesedaran masyarakat mengenai kepentingan pemeliharaan dan pemuliharaan alam sekitar.

Dalam masa yang sama semua kakitangan yang hadir pada hari tersebut amat teruja melihat kebersihan dan keindahan pantai-pantai di Port Dickson di samping dapat melihat aset kenderaan dan jentera kutipan sisa pepejal dan pembersihan awam yang dimiliki oleh SWM Environment yang dipamerkan semasa program berlangsung.

**-TAMAT-**

**MENGENAI SWM ENVIRONMENT SDN. BHD.**

SWM Environment Sdn. Bhd. (SWM Environment) adalah syarikat konsesi yang menyediakan perkhidmatan pengurusan sisa pepejal dan pembersihan awam di negeri Johor, Melaka dan



Negeri Sembilan sejak tahun 1995, melalui perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara (Akta 672).

Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: [www.swmenvironment.com](http://www.swmenvironment.com).

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Pepejal Di Punca (SAS), kitar semula dan pengkomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjarannya, KITAREcycle, di ketiga-tiga negeri selatan Semenanjung Malaysia. KITAREcycle menggalakkan orang ramai untuk mengitar semula dan menerima mata ganjaran untuk lebih daripada 25 jenis barangan kitar semula yang termasuk kertas, tin aluminium, plastik, sisa elektrik dan elektronik. Mata ganjaran yang terkumpul boleh ditebus secara tunai melalui perbankan dalam talian. Orang ramai boleh memuat turun aplikasi KITAREcycle melalui *Apple Store* dan *Google Play Store*. Sila layari laman web: [www.kitarecycle.com](http://www.kitarecycle.com) untuk mendapatkan maklumat lanjut.

**Untuk keterangan lanjut, sila hubungi:**

**Puan Nurul Liza Binti Mohd Najib**

Pengurus

Jabatan Komunikasi Korporat & Hal Ehwal Kerajaan

SWM Environment Sdn. Bhd. (Pejabat Wilayah Negeri Sembilan & Melaka)

Tel : 06 – 6014280/ 012 – 684 7168

E-mel : [nurulliza.najib@swmsb.com](mailto:nurulliza.najib@swmsb.com)